



16



MEDICATIO DUORUM ÆGRORUM,
 QUORUM UNUS
 Surditate, Tinnitu aurium, & Gra-
 vitate auditus,
 ALTER
 Narium Hemorrhagiâ
 LABORAT:

QVAM
 Divino adjuvante Numine,
 SUB PRÆSIDIO
 Viri doctrinâ & experienciâ clarissimi;
 D. HENRICI REGII,
 Reip. Ultrajectinæ Poliatri, & Medicinæ
 ac Botanices Professoris Ordinarii,

Publicè ventilandam proponit
 ELBERTUS GOYKENS, Amstelo-Batavus.
 Ad diem 6. Decembris horâ loque solitis.



Natura & Industria

TRAJECTI ad RHENUM,
 Ex Officinâ IOHANNIS à NOORTDYCK, In Acad.
 Typog. Anno 1648.

Doctissimo, vigilantissimo, multaque ex-
sperientia clarissimo Viro ac

D O M I N O,

D. HENRICO REGIO,
Medico & Philosopho
exactissimo, Reipublic.
Ulrajectinae Poliatro,
Medicinae ac Botanices
Profess. dignissimo, præ-
ceptori meo meritissi-
mo, plurimumque co-
lendo,

Hoc exercitium Medicum,

Eo quo decet affectu,

Dedicat & offert.

ELBERTUS GOYKENS.

M E D I C A T I O V I R I
Surditate, Tinnitu aurium, & Gra-
vitate auditus

L A B O R A N T I S.

I.

Vir triginta duos annos natus, postquam diu crapula se fatigasset, incidit in tinnitum aurium, quem postea, jã à sex mensibus, insecutus est sinistrae auris primò gravis auditus, & deinde surditas. Huc jam accessit tinnitus & gravitas auditus auris dextrae.

II.

Afficitur in hoc ægro utraque auris secundum nervos auditorios, quod ex surditate, gravitate auditus, & tinnitu aurium est manifestum.

III.

Morbus sinistrae auris est obstructio vel compressio nervi auditorii, ab humore pituitoso facta, quæ auditus privationem ibi inducens, *surditas* dicitur. Dextrae verò auris morbus est intemperies humida crassa & flatulenta nervi auditorii, quæ imminutum auditum, & tinnitus sonum, in ea excitans, *gravis auditus & tinnitus aurium* nuncupatur.

IV.

Causa procatartica horum morborum ñest crapula, quã hic vir se diu fatigavit. Inde enim pituitosi in toto corpore humores, ex cruditate ex eo natã, fuerunt geniti, qui, in vasis cerebri contenti, causam *antecedentem*; ex vasis vero in nervos & vicinas aurium partes effusi, causam *continentem* horum morborum & symptomatum constituunt causam.

V.

Dum enim humores isti, propter crassitiam suam, & debilitatum cerebri calorem, inflatus circa nervum auditorium convertebantur, impingebant illi vehementius in nervi istius fibrillas atque etiam tympanum, atque hinc motu suo excitabant

Gg 2

tin-

tinnitus sensationem; ii vero postea leviter circa aurem sinistra
in, crassati, & in nervorū sinistrae auris cavitates impacti, primū
nervorum fibrillas leviter ibi compresserunt, & obturarunt, at-
que hinc ortus est gravis sinistrae auris auditus; ab iis verò, po-
stea ibidem magis auctis & incrassatis, tanta nervi auditorii cō-
pressio & obstructio est orta, quæ motum omnem, à sonis ner-
vis impressum, ad cerebrum deferri impediens, surditatem in
ista aure excitavit. Humotibus verò ad nervum auditorium
dextrae auris delatis, ibique partim in flatus conversis, & in ner-
vi istius fibrillas vehementius impingentibus, tinnitus; in ner-
vum verò nonnihil impactis, & fibrillis nervi iis nonnihil com-
pressis vel obstructis, gravis auditus dextrae auris etiam super-
vênit.

V I.

Quoniam hic affectus jam sex duravit menses, & paulatim
incrementum sumsit, metus est, ne ob diutinam illam moram,
materia ita nervo auditorio sinistro sit affixa, ut nunquam inde
tolli possit, & surditas ibi maneat perpetua. Et quia cerebrum
hic valde est affectum, metuendum ne auctis humoribus, sur-
ditas etiam dextram aurem occupet.

V II.

Quia tamen hæc predictio non est necessaria; ideoque *Cu-
rationem* inchoandam existimo. Eaque consistet in causæ pro-
catarcticae, antecedentis, & cōtinentis ablatione, intemperiei-
que per contraria correctione.

V III.

Primo itaque purgetur æger bis terve his pilulis:

Rx pil. cochiar., sine quibus esse nolo an. scrup. f.

scammonii gr. xij. cum syr. ros. sol. q. f.

F. pilulæ, N°. v, mane sumendæ,

& singulis septimanis bis repetendæ.

Singulis etiam mensibus admoveat tribus diebus conti-
nuis cucurbitulas sine scarificatione post aures, & utrinque in
scapulis, & humeris; ut hac ratione humores ab auribus revel-
lantur, & ex iis educantur.

Uta-

Utatur etiã mane & vesperi lotionib. pedum cū camomil-
lor, meliloti, maioranæ, hylopi & rorismarini decocto in-
stitutis. nocturno tēpore talē cuc uphã capiti imponatur.

℞. rad. iridis florent. vnc. s.

calami aromat., cyperi, acori an. dragm. j.

fol. siccor. majoranæ, melissæ, salviæ

rorismarini an. m. s.

flor. stechad. arab., spicanardi an. p. j.

cinnanomi, macis, cariophyl. benzoini an. dragm. s.

Omnia cum pulverem redacta excipiantur cotone moschato &

& cum panno serico interpuncto

F. Cucupha, noctu gestanda.

Interdiu sub pileo in capite gerat cucupham ex corio hispa-
nico, quales jam in frequenti usu esse inter juvenes & senes ob-
servamus,

mane jeiunus, & vesperi, sub horam quartam, hoc u-
tatur masticatorio :

℞. rad. pyrethri, angelicæ, zedoariæ, an. dragm. j.

sem. staphid. agriæ, synapi,

nucis moschata, fol. sennæ an. dragm. s.

Pulverisentur & addatur parum mastiches, ac cum cera q.

s. formentur Globuli masticatorii,

de quibus masticetur unus prono capite,

frequenter exspuendo.

Noctu dormitum iturus auribus hanc aquam indat :

℞. aq. fœniculi,

sem. carui post olei extractiōem remanentis an. vnc. j.

spiritus juniperi vnc. s.

Misce & de hoc liquore instillet aliquantulum in aures, adden-

do semper guttam fellis carpionum; & postea sinat effluere,

ac deinde indat auribus cotonem, in quo moschus fuit servatus,

vel in quo moschi pulvis est dispersus.

IX

Mane suffitum etiam auribus excipiat per infundibilum, ex
hoc calido decocto;

G 3

℞. fol.



℞. fol. lauri, ruta, origani, byssopi, majorana an. m. j
ab simbi, mentastri an. m. s.

flor. stachad. celtica m. j.

baccar. lauri, juniperi an. vnc. s.

sem. anisi, fœniculi, carui, cymni an. dragm. j.

Decoquantur in vino albo q. s. ad tert. part. consumptionem, &
halitus calidus aure per infundibulum excipiat.

X.

In aere versetur calido & sicco. Victus sit tenuis, & paucus,
& famem aliquando sustineat. vitet repletionem, & omnes ci-
bos crassos & tumores, qualis caseus & legumina. Cibi condi-
antur semine anisi, fœniculi, cymni petroselini. Potus sit vi-
num & cerevisia mediocris. Exercitium sit moderatum. Alvus
sit soluta arte vel natura.

M E D I C A T I O J U V E N I S

Hæmorrhagiâ Narium

L A B O R A N T I S.

I.

Juvenis robustus, viginti duos annos natus ex, intemperanti-
ore diæta incidit in febrim synochâ, ardore febrili continuo,
sed blandiore, sese manifestantem. Hic postquam aliquoties
post venæ sectionem esset purgatus & julapiis convenientibus
alteratus, ex muliercularum consilio sumsit medicamentum,
nescio quod, vomitum ingentem, cum rosione ventriculi,
excitans; quem insecuta est tanta narium hæmorrhagia, ut plus,
quam 4 librę sanguinis exiis jam sunt evacuatae; eaque vires ita
sunt debilitatae, ut jam animam agere videatur.

II.

Præterquam quod in hoc ægro à febre afficiatur cor & to-
tum corpus, afficiuntur ejus ventriculus & nares, quod ex vo-
mitu, & sanguine è naribus tam copiose fluente, est manife-
stum.

III. Mor.

III.

Morbus præcipuus, qui ipsam jam potissimum affligit, est diæresis & diapedesis vasorum narium, quæ, copiosum sanguinem ex iis emittentes, *Hæmorrhagia narium* appellantur.

IV.

Causa procatarctica hujus morbi est intemperantior illa diæta, qua copiosus sanguis in corpore genitus, corruptelamque certam febrilem contrahens, ac synocham febrim producens, *antecedentem* hujus morbi constituit causam. Is vero vomitorio assumpto vehementius agitur, & in naribus vasorum diæresin & diapedesin excitans, copiosissimumque illum sanguinem ex iis effundens, eoque vires ægri summopere prosteruens *continens*, hujus morbi & symptomatum est causa.

V.

Morbus hic, propter prostratas ægri vires, est periculosissimus. Ideoque neglecta ad tempus febris synocha quæ forsan hoc sanguinis fluxu cessabit, *curatio* ejus protinus est aggredienda.

VI.

Eaque in humorum ventriculi acrium attemperatione solutionis continui vasorum narium unione, & nimii sanguinis fervoris & motus temperatione moderatione, consistet.

VII.

Itaque primò sumat dragm. j. f. salis prunellæ, quod in vnc. ij. aq. plantaginis sit dissolutum: & porro præscribatur tale amigdalatum ad acrimoniam humorum temperandum; & vires restaurandum:

- ℞ amigdalar. dulc. vnc. j. ℥.
- sem. 4. frig. maior. an. dragm. j.
- papaveris albi dragm. ij.
- Cum aq. decoct. hord. q. s. F. Amigdalatum
- ad l. 1.°, de quo subinde sumat vnc. ij. vel vnc. iv,
- quantitatem.

Et



Et mox in nares inserantur turundæ ex coronæ factæ,
& atramento, fuligine fumarii, & aceto relaceo, im-
butæ.

Ac præterea acetum rosaceum in aures instilletur?

Item linteum, in aceto madefactum, collo frigidè erit
obvolvendum, & testibus adhibendum aliud linteum, aquâ
plantaginis frigidissimâ imbutum.

Ac ligaturæ arctiores brachiis & cruribus erunt injici-
ciendæ.

Cucurbitæ quoque hypochondriis & scapulis sunt adhi-
bendæ; venæ sectio vero, ob magnam sanguinis emissi
copiam, hic prætermittenda.

VIII.

Victus sit resumtivus ex ovis forbilibus, iusculis galli-
naceis & vervecinis, cum pane candido & vino tenui o-
ligophoro. Motus corporis & vehementiora vetentur ani-
mi pathemata. Somnus sit paulo longior. Alvus sit at-
te vel natura laxior.


00 A 6396

ULB Halle 3
002 928 167



St





O L L A R I A.

facultas laesa, corporis, non anima.

Medicine finis.

in corpore humano nequeunt. gigni.

na certa virginitatis.

us non est sua natura malignus.

a matre aliquandiu vivere potest.

MEDICATIO DUORUM ÆGRORUM,
QUORUM UNUS
Surditate, Tinnitu aurium, & Gra-
vitate auditus,

ALTER
Narium Hemorrhagiã
LABORAT:

QVAM
Divino adjuvante Numine,
SUB PRÆSIDIO

Viri doctrinã & experienciã clarissimi;

HENRICI REGII,
cip. Ultrajectinæ Poliatri, & Medicinæ
ac Botanices Professoris Ordinarii,

Publicè ventilandam proponit

ELBERTUS GOYKENS, Amstelo-Batavus.

Ad diem 6. Decembris horã locoque solitis.



Natura & Industria

TRAJECTI ad RHENUM,
Officinã IOHANNIS à NOORTDYCK, In Acad.
Typog. Anno 1648.

